



# Lokal forskrift 1. august 2024 nr. 1 om permisjon frå den pliktige opplæringa ved grunnskulen i Ulvik herad

*Heimel: Fastsett av heradsstyret i Ulvik herad den 19. juni 2024 med heimel i lov 9. juni 2023 nr. 30 om grunnskolen og den vidaregåande opplæringa (Opplæringslova §2-2)*

## **§ 1. Verkeområde**

Forskrifta gjeld pliktig grunnskuleopplæring etter opplæringslova § 2-2.

Forskrifta gjeld for elevar i Ulvik herad.

## **§ 2. Forsvarlegheit**

Elevar kan berre få permisjon dersom opplæringa samla sett er forsvarleg.

## **§ 3. Faste prøvar**

Det skal ikkje gjevast permisjon ved førebuing til, og gjennomføring av:

- a) statlege kartleggingsprøvar
- b) nasjonale prøvar
- c) eksamen munnleg og skriftleg
- d) prøvar og vurderingssituasjonar som er sett opp i terminplan/prøveplan

*Det kan gjevast permisjon dersom det er tungtvegande grunnar for å gje permisjon, dersom det er høve til å ta prøvar på eit anna tidspunkt enn planfesta.*

## **§ 4. Øvre grense for permisjon per skuleår**

Elevar kan ikkje få permisjon i meir enn 10 skuledager per skuleår.

Kontaktlærer kan gje fri 1-3 dagar, rektor kan gje fri 10 skuledagar.



### **§ 5. Permisjon i 1-3 dager per skuleår**

Søknad om permisjon i 1-3 dager i løpet av eit skuleår skal innvilgast, dersom vilkåra i §§ 2- 4 er oppfylt.

### **§ 6. Permisjon i 4-10 dager per skuleår**

Søknad om permisjon i 4-10 dager skal innvilgast, dersom vilkåra i §§ 2-4 er oppfylt og tungtvegande grunnar taler for det.

Tungtvegande grunnar som til dømes: spesielle arrangement eller markeringar knytt til politisk arbeid, organisasjonsarbeid, familie, eller deltaking ved idrettsleg eller kulturell konkurranse/stemne på høgt nivå.

### **§7 Permisjon ved religiøs heilagdag**

Ein elev som høyrer til eit anna trussamfunn enn Den norske kyrkja, får innvilga permisjon frå skulen dei dagane trussamfunnet har heilagdag. Foreldra/føresette må sørgja at eleven får den opplæringa hen treng for å kunna følgja opplæringa vidare.

### **§ 8. Forskrifta trer i kraft 1. august 2024.**